

ԲԱՆԱՍՏԵՂԾԱԿԱՆ

ՊԱՏԳԱՄԸ

Նոր լոյս ծագեց աշխարհին.
Ո՞վ այդ արեւը բերեց:-

Ահա ոսկեայ մի արեւ
Ճառագումով մի հրէ
Այգաբացի պուրպուրէ
Նժոյգների վըրայ հեց
Նոր աշխարհին ու մարդուն
Յղում է լոյս գուարթուն:
Նոր աշխարհին ու մարդուն
Ո՞վ բերեց լոյսն այս արթուն.
Օ՛, ո՞ւմ ձեռքով վառուեց ո՞ւմ
Հրակարմիր, հրավարս,
Աղամանդեայ լոյսը այս:-

Կքած կեանքի բեռի տակ,
Խոր գերութեան ընդերքում,
Իմաստութեան մի գետակ
Յիմարութեան համերգում -
Քանի՛ տարի, քանի՛ դար
Վկայեցիր անհերքում ...
Ափերին այն խաւարչտին,
Ուր հայրենիքն էր մեր հին, -
Չկա՞ր արդեօք գետ մի յորդ,
Որ գերութեան անհաղորդ
Լուրթ հոսելով դարից-դար
Մթութեան մէջ այն յամառ

Այս այգաբացն էր կրում,
Հոր այգաբացն այս հեռու՝
Հնուց պահած իր ջրում
Օ՛, ըղձական այս հեռուն ...:
Կքած կեանքի բեռի տակ՝
Ոգի՛ անկոր, հո՛ւր գետակ ...

Ահա վառում է մեր նոր
Յաղթանակի լոյսը բորբ.
Լւանում է նա հիմա
Վառվող ոգին մեր անմահ.
Չքնաղ արե՛ւն այդ արի.
Վառուած հրով աշխարհի ...:
Չկայ ուրիշ արեւ էլ.
Նա է միայն, որ դարեր
Անմար պիտի արեւէ ...

Լոյսով վառուած սակայն այդ
Նժարներից հիմա մենք
Յիմարութեամբ չթափենք
Իմաստութիւնն այն արար, -
Մեր անցեալի խորամիտ
Է՛ջն այն արդար ու ռամիկ
Մեծահանճար ու վարար ...

ԵՂԻՇԷ ՉԱՐԵՆՑ

«Գիրք Ճանապարհի» 1933 Մայիս 9